

雪雅堂醫案卷下

蓬萊張士驤伯龍著

無錫周 鎮小農別署伯華參閱

無錫周 源逢儒重錄

紹興裘慶元吉生校刊

寸浮尺細頭痛甚肝腎陰虧虛陽上越所謂下虛上實多致顛頂之疾擬以復脉
加減益虛鎮攝和陽熄風爲主

乾地黃

生牡蠣

生磁石

杭白芍

東阿膠

黑芝麻

大麥冬

元武版

雲茯神

生鼈甲

炙甘草

三陰痛寒濕下受邪伏陰分頭痛身半以下無汗寒從背起背係督脈應乎太陽辛
通督陽俾寒濕仍從下出

川桂枝

威靈仙

生附子

炒黑蜀漆

大羌活

川獨活

生鹿角 炒黑川椒

六脈沉遲而細時患吐血按經云血氣者喜溫而惡寒寒則澀而不流溫則消而去之又褚氏遺書所謂血雖陰類逆之者其陽和乎又氣爲血帥氣行則血亦行此數則可謂治陽虛吐血要訣進以異功散加炮薑附子黃耆數劑而愈

妬乳因乳子解懷外邪乘隙侵入乳房壅塞堅腫痛脹氣鬱寒滯治宜宣通肝胃

白芷 乳香 當歸 半夏 橘核 香附

厚朴 鮮橘葉 桔梗 漏蘆

外用生南星薑黃白芷研末砂糖調敷

咽喉腫閉水米不入脈沉緊按少陰脉挾咽榮舌本因過服涼藥抑遏少陰真陽爲寒逼而上犯經云暴病非陽此之謂也進以麻黃附子細辛湯加乾薑二劑而痊因憶及三年前在登郡治一寒遏目翳亦用此法而愈症異而治同也

陳女 右手脈寸關浮數兩目白睛昏黃視物不清且濁氣上攻眉目之間昏蒙

此種濕化熱上蒸肺部治宜降濁升清

北沙參 桑白皮 地骨皮 密蒙花 黃甘菊 赤小豆

綠豆皮 穀精草 冬桑葉 生薏米

厥大洪弦內風暗動頭掉耳鳴左耳後復有痠痛此厥陰少陰陽明交會之所絡虛風竄故頭牽左側有聲夜靜寢動治宜養陰息風參以抑陽入陰之法因其勢而折之

原生地 六錢 阿膠珠 三錢 川石斛 五錢 羚羊角 三錢
雲茯神 三錢 生白芍 三錢 酥龜板 六錢 生石決 一兩
生牡蠣 八錢 靈磁石 五錢

又

生磁石 五錢 酥龜板 八錢 羚羊角 二錢 生鐵落 五錢
原生地 五錢 白蒺藜 三錢 大蟬衣 錢半 生牡蠣 五錢

生石決明 一兩 抱木茯神 五錢

夏心梅如君 古人治虛怯咳嗽等症往往用胃藥收功本有失血之症現當春令幸尚未發而夜間噎咳頗甚面色無華肌瘦神倦胃不健納皆胃中天真之氣受傷無液滋養脈左強右弱應以甘緩之劑養胃和肝以期土金相生

白扁豆 三錢 大麥冬 錢半 白茯苓 二錢 北沙參 三錢
淮山藥 二錢 炒薏米 三錢 鮮石斛 二錢 白茯神 三錢
南棗肉 三錢 生穀芽 一兩 (煎湯煎藥)

再診原方去石斛加潞黨參三錢蒸於朮錢半

再診左脉頗佳右脈少力胃氣不足食雖進終欠香甜仍宜補土生金以期咳止但脾喜燥而胃喜清其間用藥須細心酌之

人參 一錢 蒸於朮 一錢 白扁豆 二錢 炒薏米 三錢
茯苓 三錢 炒麥冬 錢半 川石斛 三錢 鮮蓮子 二錢

炙草 五分 陳皮白 一錢 白茯苓 二錢 南棗肉 二錢
李載之夫人 陰虛之體春溫右脈數咽乾而痛時有時無舌心微黃音啞咳吐白
痰肺胃餘熱未清煎丸並進若再日久失治恐延爛喉重症

北沙參 五錢 生薏米 三錢 枇杷葉 三錢 陳皮白 一錢
生甘草 五分 乾葦根 四錢 正茯神 三錢 肥玉竹 三錢
鮮石斛 三錢 送六味丸 四錢

劉履泰年伯 脈沉數而澀十餘年偏左頭痛牽連耳後每發則四肢抽痛養血息
風爲是

熟生黃 八錢 山萸肉 二錢 甘菊炭 錢半 酒川芎 一錢
酥龜板 五錢 生磁石 一兩 當歸身 三錢 炒牛膝 二錢
炒杞子 三錢 關沙苑 三錢

孫駕航太老師 右關沉細帶數舌光尖有細碎紅點此由胃陰素虛又因吐血之

後胃無汁液故有早起咳噎不食則飢得食少緩食入不香等症仿古人諸虛不足先建中氣法遵葉氏甘緩濡潤之旨辛溫爲大忌

懷山藥 三錢 白茯苓 三錢 川石斛 三錢 炙甘草 五分

陳皮白 一錢 扁豆衣 二錢 原麥冬 錢半 南棗肉 三錢

真錫糖 三錢 建蘭葉 五片

李宅夫人 脈沉鬱滯肝脾兩傷脘脹腸鳴入暮鼓脹更甚顯見氣虛肝鬱治宜緩調

防黨參 一兩 鬱金子 一錢 益智仁 一錢 舊陳皮 一錢

雞內金 六錢 白蔻仁 八分 茯苓皮 三錢 大腹皮 二錢

製香附 一錢 真針砂 三錢 炒大麥仁 三錢

飯後服枳朮丸三錢

後以沉香烏藥香櫟青皮蘇梗朮芍歸地出入十餘劑而痊

徐 產後彌月惡露淋漓歸脾加減以統攝之八劑全愈

大炙膏 五錢 茯神 三錢 炙甘草 錢半 廣木香 六分
生白朮 三錢 遠志 一錢 大圓肉 四錢 炒艾葉 四錢
高麗參 二錢 棗仁 三錢 當歸身 三錢 舊阿膠 四錢
金 薑 頭痛身倦清涕鼻塞骨節痛身熱脈浮風寒外襲輕以取之

荊芥穗 三錢 川芎 錢半 蟬脫 一錢 川羌活 二錢
蔓荊子 三錢 香豉 四錢 連翹 二錢 白芷 二錢
防風 二錢 葱鬚 三根 生薑 三片

夢 輔 脉細弱面白神衰羸瘦大病之後氣血損傷未復後天以脾胃爲主甘緩
之劑溫養元真

米防黨 四錢 炙甘草 錢半 全歸身 四錢 炒白朮 三錢
大棗 三個 廣陳皮 錢半 桂圓肉 四錢 雲茯苓 三錢

大炙者 五錢 煨 薑 三片 甘杞子 四錢

治婦科而不詳究奇經猶針家之不識經絡穴道匠人之不依繩墨規矩此葉氏之所以卓出羣輩也產後之虛虛在八脈少腹疔痛腰髀痠痛嘔逆脈沉細因思八脈下隸肝腎辛通溫潤之補方中肯綮若區區參朮乃是中焦守補方法鮮克有濟

川杞子 八錢 巴戟天 三錢 鹿角膠 三錢 全歸身 五錢

鹽小茴 三錢 紫石英 五錢 川杜仲 三錢 潼沙苑 四錢

鹿角霜 三錢 安邊桂 八分

右手脈大風溫內變咳吐黃痰治在手太陰

甜杏仁 生薏米 枇杷葉 浙貝母 桑白皮 鮮竹茹

乾葦根 瓜蒌皮 牛蒡子

吳女 時欲大小便白帶如注脈沉無力氣虛下陷升固宜之

大炙耆 八錢 炙甘草 二錢 醋柴胡 六分 大防黨 五錢
大歸身 五錢 舊陳皮 錢半 生白朮 五錢 海螵蛸 八錢
雞內金 三錢 升麻 六分 蓮肉 四錢

產後月餘經血暴至下脫不止身浮不能主持眩暈心跳腹無痛楚脈虛軟沉細無神氣虛不能攝血既去之血不能驟補欲脫之氣所當急固宗前人血脫益氣法用歸脾湯意參入溫固升提之法

麗參 五錢 炙草 二錢 圓肉 五錢 炙耆 五錢
棗仁 四錢 升麻 一錢 於朮 四錢 歸身 五錢
龍骨 八錢 棕炭 四錢 薑炭 二錢 艾葉 四錢
又前方未應溫固佐以堵塞亦救急止脫法也

生於朮 五錢 炙甘草 二錢 赤石脂 六錢 高麗參 六錢
川附子 三錢 禹餘糧 四錢 炮薑炭 五錢 大歸身 五錢

烏梅炭 錢半 棕櫚炭四錢

脈軟而模糊。軟則爲虛。模糊爲痰阻之象。前之浮滑已退。外感已清。今外感引動伏痰。機樞阻滯。侵擾絡竅。不矢氣。心饑。所謂九竅不和。皆屬於胃也。心疑恍惚。乃膽腑不寧。痰氣薰蒸。絡竅耳老痰盤踞。治在緩攻。治痰先治氣。疑病皆主痰。古有明訓。主以豁痰利氣。宣竅通絡方法。

酸棗仁 三錢 鮮竹茹 三錢 蒼朮星 錢半 化橘紅 八分

炒枳實 一錢 石菖蒲 錢半 白茯苓 三錢 製半夏 錢半

瓦楞子 四錢 竹瀝 一匙 薑汁 二滴

譚 吞烟探吐後津液損傷嘔逆不止。苦黃燥渴脈軟。數宗王氏致和降逆法。

炒川連 生扁豆 宣木瓜 製半夏 欒石斛 枇杷葉

鮮竹茹 紫厚樸 小甘草 省頭草

張 僕 右寸數大鼻塞乾燥咳嗽。腥黃風溫傷肺。清解辛涼宜之。

冬前胡 三錢 川連翹 二錢 浙貝母 二錢 牛蒡子 三錢

苦桔梗 錢半 嗽桑葉 三錢 薄荷梗 錢半 川銀花 三錢

川青蒿 三錢 淡竹葉 二錢

林婦 兩手脈沉澀而弦氣鬱爲患宗易思蘭變通越鞠意輕劑頻服爲宜

桔梗 八分 東茅朮 一錢 青皮 七分 炒枳殼 八分

六神麴 一錢 酒撫芎 八分 醋柴胡 七分 製香附 一錢

蘇梗 一錢 川樸 七分 白蒺藜 六分

伯母 兩目白輪紅筋絆繞昏瞶濕癢見風流淚風木凌金肝肺兩清

密蒙花 夏枯草 草決明 白通草 生薏米 綠豆衣

羚羊角 冬桑葉 小胡麻 川石斛

仲甫 風溫傷肺鼻塞胸悶痰咳輕揚宣通流利肺氣俾治節從權

苦杏仁 牛蒡子 薄荷尖 冬桑葉 瓜蒌皮 浙貝母

枇杷葉 路路通 川鬱金 蒼耳子

金 臺 夜間發熱口渴苔黃脈數關大咳吐黃痰肺胃兩清

生石膏 苦杏仁 川石斛 肥知母 香豆豉 地骨皮

淡竹葉 川貝母 牛蒡子 鮮葦根

又

鮮葦根 川貝 地骨皮 連翹 羚羊角 石斛

元 參 鮮竹葉 天花粉 川青蒿

瀉瀉腹痛脈沉細而牢寒氣內鋼痛時有形痛止則散辛熱以祛內寒佐以固澀止瀉俟瀉止接服天台烏藥散乃燥勝緩攻之法也

高麗參 五錢 炙甘草 錢半 吳 萸 二錢 炒川椒 二錢

肉寇仁 四錢 良 薑 二錢 炮乾薑 二錢 製附片 二錢

訶 皮 三錢

何遜臣 脉弦軟咳逆痰多眩悸虛痞飲盤踞中道阻抑清陽之氣仲景云飲家而咳當治飲不當治咳又云當以溫藥和之遵其意以消息之

茯苓 四錢 桂枝 三錢 白朮 二錢 炙甘草 一錢
半夏 二錢 生薑 二錢

又勞傷陽氣胸中虛痞地氣冒明清陽不運欲期離照當空須進辛甘之旨

茯苓 三錢 桂枝 二錢 白朮 二錢 炙甘草 一錢

顧子翁 患陰頭寒冷拘急治經數醫補腎壯陽愈治愈甚余進以建中湯數劑而痊

新感冒肺氣壅弗宣鼻觀未利咳吐稠痰輕揚宣上宜之

大蟬衣 一錢 桑葉 二錢 陳橘絡 一錢 連翹殼 二錢

浙貝 錢半 瓜蒌皮 錢半 牛蒡 錢半 路路通 二錢

薄荷尖 五分 通草 五分 蒼耳子 錢半

王婦 陰戶癢甚欲死肝經鬱熱濕熱下溜逍遙散加川連元參而愈

翁 左腿脛紅腫搔癢陰隱爲病肝血燥也嫩桑枝二兩桃仁四錢身熱週身酸麻不可言狀多汗且腰部亦痛已隔三四日閱其服方有偏於熱有偏於發散者有居然用當歸止痛者余診脈三部俱浮緩而弦且見多汗兩邊額角少陽部位又痛微渴余曰此正中風症受病在太陽少陽也遂用小柴胡加桂枝白芍羌活一劑即見寒熱酸麻俱減二劑即安此症若誤治即由漸而偏枯癱瘓矣

李少南如君 兩寸洪大上溢左關滑數無倫暴怒肝陽上越血湧成益已失氣下行之旨宜遵繆氏法降氣不必降火不宜苦寒礙阻

生白芍

羚羊角

杜蘇子

紫丹參

旋覆花

降真香

孫太太 白帶不斷面黃溺短體倦脈沉緩進五苓散合二妙而痊

黃太尊 兩目紅腫大如雞卵眼眦極多口脣焦紅煩躁不堪病甚危約診視其舌白滑潤知爲真寒假熱戴陽之症仿四逆理中輩大劑一劑全消脣變枯白口亦

不渴矣後大補元陽而痊

母親月事過多有似血崩手足厥寒精神倦怠等語聞此殊爲憂慮母親血已極少故月事往往數月不來一來則困不可支從前陰虛體燥風陽一起尙可養血滋陰緩緩調治今則身子變寒衝脈空虛血海毫無溫氣偷月事忽然大至內風驟起有猝然不及救者但此時治法專以溫血爲主附子驅寒或恐傷血桂枝細辛驅風或恐過散益母草活血亦嫌泄氣去血多者不相宜故平常調治此等藥味皆不必用若風氣陡起不能不用此救急則三兩劑人神已定卽當將此等藥味減去至於閒時服藥則不宜用此茲開兩方付弟照此行之可也

風氣大起急救之方

酒當歸	六錢	鎖陽	五錢	桂枝	三錢	泡吳萸	五錢
川乾薑	五錢	蘼艾	五錢	砂仁	錢半	炙草	六分
附子	三錢	細辛	八分	生薑	二錢	大棗	三枚

如經血大至則將乾薑改炮薑用一兩新艾全用炒者如風氣大起人神既定減細辛再服二三劑並減附子

閒時調治之方

酒當歸 八錢 炙鎖陽 五錢 春砂仁 錢半 鹽杜仲 三錢

熟地炭 四錢 炮乾薑 五錢 鹽故紙 三錢 大黑棗 二枚

酒炒用芎 三錢 醋炒蘼艾 五錢 舊廣陳皮 一錢

炙黑甘草 六分

如寒氣不甚動熟地炭或間用大熟地亦可炮薑間用乾薑亦可白芍陰歛不宜用也

此病初時原因生養過多血海空虛肝陽化燥風氣上擾之症向服養血清肝佐以化風活絡之品羚羊常用至三錢嗣因食梨太多血海爲寒冷所冰忽然四肢厥逆口吐涎沫下脫不收即用蛇膽薑外擦內服氣得還回速服當歸四逆加附

黃等以回陽熄風繼服四逆湯加桂枝細辛吳萸艾歸等而愈也從此變爲寒風
日後即有外感只用當歸四逆足矣不能外此三方而別求治法也光緒二十年
十月記

母親厥逆頭暈舌麻脇脹病起多年噴怒煩勞則其發愈劇現診脈象沉滑輕按不
見而重按反覺鼓指此風氣也良由衝任素乏藏蓄以故肝陽化風時時上擾謹
擬溫養奇經兼佐活絡熄風似爲合法

當歸頭	五錢	肉苁蓉	四錢	泡吳萸	八分	白蒺藜	二錢
明天麻	二錢	酒胡索	錢半	嫩桃仁	八分	炒白芍	三錢
益母草	三錢	烏豆衣	三錢				

前進溫養奇經兼佐化風服後病無增減現診脈覺鼓指病發舌似麻木腕覺空
虛手足微厥凡此見症莫非風氣上逆惟得病已久血海已少藏蓄祛風迅利之
品似不能任更恐搜逐太過肝血更傷大有得標忘本之弊謹擬養血清肝佐以